

續修四庫全書

《續修四庫全書》編纂委員會編

續修四庫全書

上海古籍出版社

一四九六・集部・別集類

松心詩錄十卷〔清〕張維屏撰

一

左海文集十卷乙編二卷 絳跼草堂詩集六卷〔清〕陳壽祺撰

五五

崇百藥齋文集二十卷（卷一至卷十四）〔清〕陸繼輅撰

五六五

咸豐甲寅三月

松心詩錄

陳澧篆

咸豐甲寅仲夏
陳澧篆
東華藥師

松心詩錄 序

人有性情詩於是作志發爲言聲通於樂波瀾須才根抵在學
肆必先醇苦乃得樂作者牛毛成者麟角僕非曰能寸心是託
得失自知疾病自藥後有桓譚豈能豫度番禺張維屏

松心詩錄序

先生生平所有著述從不請人作序昔翁覃谿學士

有粵東三子詩序盛子履學博

有粵東七子詩序姚石甫

廉訪

有聽松廬詩鈔序龔定盒舍人

有詩人徵略序

先生皆感其意而不載其文至師友評語亦不錄入嘗曰文

章千古事得失寸心知果有可知不患無知者若藉重於人

人言未必合我意也先生自序止三行今仍錄入并於卷首

咸豐甲寅五月門人李長榮謹識

昔宋黃文節公山谷老人自選其詩數百首別梓以行明徐

昌穀效之 國朝王文簡公漁洋山人效之世所行精華錄

是也吾師南山先生今年七十有五亦仿山谷老人之意取

乾隆甲寅至咸豐甲寅六十年中之詩摘錄三百餘首名曰

松心詩錄卷首

松心詩錄時詰嗣小蓬大令賓禹觀察皆服官在外門人中

惟

長榮世居近師門時親杖履遂命兩人共司編校適同

門趙勉之見之殷然獨任剗之費茲校刊既竣並識於此

此編僅什之二三如欲觀先生全詩自有聽松廬詩鈔十六

卷及松心總集中之珠江集燕臺集白雲集羅浮集洞庭集

黃梅集松滋集廣濟集襄陽集清濠集豫章集匡廬集桂林

集花地集草堂集諸本在甲寅七月門人沈世良謹識

松心詩錄總目

番禺 張維屏 子樹

卷一 古今體詩四十七首 起乾隆甲寅 時年十五

卷二 古今體詩五十五首

卷三 古今體詩三十八首

卷四 古今體詩三十八首

卷五 古今體詩三十八首

卷六 古今體詩三十一首

卷七 古今體詩二十六首

卷八 古今體詩六十六首

卷九 古今體詩五十一首

松心詩錄總目

卷十 古今體詩三十六首 咸豐甲寅 時年七十五

古今體詩共錄三百八十四首

師友詩共錄五十三首

南海門人李長榮編校

番禺門人沈世良編校

南豐門人趙惟濂校刊

松心詩錄卷一

番禺 張維屏 子樹

白雲 乾隆甲寅

白雲環北郭獨立睇遙岑海國蛟龍氣仙山鸞鶴音泉飛丹竈
潔苔積石壇深何必求瓜棗巖棲生道心

春夜紫藤池館識集

東風萬物憐送暖入瓊筵白月藤花下春人楊柳邊寄愁歸碧
海得句問瑤天誰道蓬山遠雲屏六曲前

牡丹

富麗配東皇穠華冠眾芳酒行三雅傳詩贈百花王佛現瓊瑤
相仙畱環珮裝天香原自貴不必問沈香

松心詩錄卷一

紫藤篇 有序

余年十三聘方氏女越五載將卜吉請期而女哭母病
歿其兄以女小像及手臨洛神一紙屬余藏之其所居
小閣前有紫藤一株女歿紫藤亦枯死爲詩悼之遂以
紫藤名篇

枯槎觸石銀河乾女牀樹冷驚孤鸞天孫不樂住塵世何苦寫
韻來人間匏瓜欲墜罡風起雲輶遠送嬋娟子遙知高處不勝
寒玉樓十二秋如水素娥相對亦悽然月下魂歸粧鏡邊暗塵
漠漠紫藤化作子規啼暮烟

登樓

西北有高樓樓前杜若洲美人如斷鴈往事問牽牛璧月隨風

去銀少學水流明河原不遠只在柳梢頭

懷仙

修成惡業易生天藥店飛龍竟化煙溫嶠鏡臺畱隔世阿嬌金
屋貯何年落梅風颭雕欄外脩竹寒生翠袖邊不信癡螭吞魄
去幾番翹首望團圓

天女乘風訪素娥怕來禪榻伴維摩章郎再世風情減崔護重
尋淚點多縱有胡麻難作飯空畱團扇不成歌年年寒食梨花
節一瓊椒漿奠女蘿

雙魚碧海盼遙遙獨鶴瑤臺耐寂寥灑淚雨零紅豆溼步虛風
起白榆搖聘錢天上償非易鑄鐵人間恨未銷藏得彩鸞書一
紙此生無分學文簫

松心詩錄卷一

星辰昨夜已前塵欲向修羅問夙因浪說蘭香嫁張碩不知仙
子憶劉晨望來殘月初初月坐對新人念故人日把沈檀熏小
像可能紙上降眞眞

春寒

銀屏珠箔護春寒畫裏樓臺霧裏看鸚鵡不言花不笑悄無人
處有闌干

秋懷

千林木落動霜鐘雲淨天高一盪胸晚徑日斜明橘柚澄江水
遠靜魚龍風煙萬里愁征客寒暑三時閱老農慙愧腐儒謀食
拙杜門癡癡養疎慵

莽莽荆襄狀甲兵忍看魑魅困蒼生風呼陰峒蠻苗出月照荒

城妖鳥鳴娘子軍容誇左道丈人師律重先聲讀書殺賊男兒事莫讓終童獨請纓

銀河西注洗妖氛墜地機槍夜半聞蜀道飛艘勢轉餉朔方驍騎勇從軍鶴鵲陳台屯江霧蛇虎旗開掃棧雲聞道 賜糧歡萬姓形勢先已 錫殊勳

百二秦關古戰場如毛羣盜敢披猖寶雞刷羽聲先震銅馬驚心骨然僞諸將果能還 廟算三軍漸喜卸戎裝願消兵氣蘇民氣早買耕牛學種桑

頻年瘡海樹戈鋌吹角鳴鉦潦霧邊風裏刀腥龍戶竄潮頭煙黑虎門懸已看徵側為窮寇誰道孫恩作水仙滾滾驚濤休恃險將軍天上下樓船

松心詩錄卷一

三

辛苦人來蛟鱷叢江村守望百家同鼓鼙聲亂春潮裏刀戟光分夜火中所患是兵還似盜但求無罪忍論功羣黎頌禱渠魁怖鬚鬢蕭蕭老總戎

黃總戎

愚沫蛟涎浪作堆沙蟲鼠費驚猜鸞帆賊已乘風去犀甲軍如捉月來小醜無知終惜命重臣有守亦需才陽和本是蒼穹意一破頑陰要震雷

揚雄賦就漫吹噓廿載侯門跡本疎祇合短衣看射虎豈宜長缺歎無魚中宵偶讀班超傳上畧誰陳黃石書畢竟少游言可念且騎款段守鄉閭

有感

關外雨如塵憑閣獨愴神祇應雙燕子猶記折花人

詠史 有序 百一首錄二十五首

樂府音律久已失傳雖用樂府體格而不名樂府但曰詠史者從其實也

許由瓢

大莫大兮九州小莫小兮一瓢堯以天下讓之由由不肯受歸諸堯堯能安九州由能安一瓢一瓢在樹風蕭蕭許由之節青天高

夏中興

唐虞傳賢夏傳子傳孫已見兵戈起太康弗反羿距河仲康猶能討羲和帝相忽遭寒泥變夏統之危僅如幾靡奔有后后有仍夏統中絕還中興吁嗟乎人心淳古推三代大禹三傳傷禍

松心詩錄卷一

四

敗何況後來世風壞並育安能不相害龍戰虎爭何足怪

兩至德

孝子忠臣有難易易可言德不言至泰伯文王皆處難論定宣尼有深意雖之至德天下知不待聖人爲表微太王愛孫心所注視於無形泰伯去當時反有不孝名稱之曰讓德乃明文王蒙難囚羑里暴主方欲致之死三分有二服事殷一心不二臣節純於戲至聖表揚兩至德孝子忠臣皆極則

曲沃肉

曲沃肉宮中毒小臣斃妖姬哭妖姬狐媚何足誅但恐君老無歡娛君安何惜捐我軀我思太子孝人謂申生愚吁嗟乎惟其至孝斯如愚

縣上田

一龍五蛇喜四蛇得雨一蛇死絲上有田空復爾貪天之功何足云身將隱矣焉用文吁嗟乎母偕隱兮焉可焚

傾國謠

邯鄲姬美婦人歸不韋先有身後入宮爲秦夫人誰知暗中滅秦祀秦國之王呂氏子李園妹美婦人歸春申先有身後入宮爲楚夫人誰知暗中滅楚祀楚國之王黃氏子吁嗟乎傾國傾城有如此滅楚滅秦一女子

亡祖龍

六王畢秦皇雄豈知天欲亡祖龍東巡不返沙邱終扶蘇不從胡亥從始皇生子十有八趙高一手能盡殺蒙恬掌兵六十萬

松心詩錄卷一

五

趙高一紙恬被難嗟乎小人害國不在多秦皇雖雄奈趙何子多將強兵又衆一個趙高能斷送

悲人旋

虞美人感美人兩般顏色俱青春漢王好色爲天子項王好色攻下死虞也歌賦也歌重瞳降準俱由阿世間恨心莫如雉忍使美人作人後不及虞兮死馬前至死猶得君王憐

陸大中

老夫佗據南服生一言去黃屋漢天子輕書生生一言新語成丞相平思諸呂生一言安少主告五男無恩公美飲食以壽終陸大中誰與俾後方朔前畱侯

五丈原

草廬抱膝梁父吟出師兩表明臣心一言早定三分策魚水君臣古難得五丈原頭風颶颶六十四陣蛇鳥愁赤芒大星西向投鞠躬盡瘁死乃已天下奇才止於此司馬懿謂武侯北地葛侯同一死先帝有孫臣有子

峴山碑

羊公身既逝觀碑淚爲傾杜公生立碑豫爲身後名峴山之碑在何許羊杜之名自千古後人紛紛爭立碑大書深刻多浮辭村童敲火牛欄角有碑無碑皆寂寞

桃花源

琴無絃樽有酒當時佛教方盛行公獨心平魯中叟遠公蓮社衆所推邀公入社公攢眉劉寄奴有異志公不仕劉思避世丹

松心詩錄卷一

六

心自撰桃源記不知有漢語有意公是義皇人不聞宋代事公往桃花源不住劉家地五柳先生無姓氏晉室忠臣又高士

二紅篇

眼中一虎兼一龍紅拂邂逅知英雄枕邊金合何人見誰其取之有紅線李郎是虎張兒龍惜哉真龍不屬公金合人頭同一處頭幸不隨金合去天龍欲飛海龍且蟠金合送至息兵交歡於戲二紅千古奇女子我爲合傳詩亦史

獨孤誤

六國滅縱橫息扶蘇殺胡亥立六代畢南北一睨地伐出阿廢入獨孤誤我悔莫及秦陪之亡若一轍

唐宮鼠

才人爾何人云是武氏女識言女武不難知宮中有人身姓武當時殺之如殺鼠嗚呼李淳風知天不知人縱鼠不殺鼠變虎食唐孫子殃唐民男子作君文太熟造物有心爲變局武女當陽壽而福

希夷睡

謂之隱生平兩度升金鑾謂之仕但作處士非爲官謂之儒不談心性不著書謂之道不言修鍊飛昇好博言假令白日飛昇亦復何益於世唐後宋前多少事不礙先生一場睡華山山前風日清先生睡醒知太平閒來讀易寫作圖偶弄筆墨聊自娛後儒得之若異寶先天後天纏不了

岳王歌

松心詩錄卷一

岳家軍岳家幟痛飲黃龍真快事太子去書生來叩馬一言吁可哀功臣在外權臣忌燕雲唾手談何易勳名不減郭汾陽冤憤竟同檀道濟吁嗟乎十二金牌兩宮棄三字獄成萬人淚墓上南枝有生氣墓下死人鐵長跪

文山歌

崖門風吼波如山趙家塊肉天水寒五坡嶺頭鼓聲起正氣填胸餓不死餓不死生入燕不願作宰相願隨故主歸黃泉從容就義古亦罕一樓三載詩百篇元君元相不欲殺欲殺乃有雷夢炎嗚呼丹心赫赫分照汗青義士負骨兮面如生母魂歸兮自嶺表兒魄返兮從燕京千里萬里兮忽合併一日同至兮吉州城皇穹降鑒兮忠孝之靈下爲川嶽兮上爲日星

汴州謠

城門開金兵來六甲神兵安在哉青城北望飛黃埃冰天雪窖去不回宋人慟哭金人哈金人勿哈宋人莫哀晚霞世界同劫灰君不見黃河水急聲喧應前渡離不後渡速不台城門開元兵來

冬青樹

世間情事那有此生妖人欺死天子楊璉真伽發宋陵夜半山頭哭聲起義士來君莫哀拾得諸帝之遺骸元兵來士不懼兩士姓名千古著欲識宋陵在何處蘭亭山上冬青樹

犁眉公

僞王陳漁家子僞王張鹽販子朱家巷頭火光起真王早屬朱

松心詩錄卷一

公子石人眼動羣孤爭一桶打破一桶成小明龍鳳牧豎耳王氣當在濠州城議奔議降皆可斬奇謀足壯諸軍膽先生躍起帝更舟巨礮飛來焚戰艦中山開平多戰功功臣配享廟位崇第一當讓犁眉公惜哉不能從赤松

覓魚嫌

檀帳龍蟠赤光起中有真龍寒不死琵琶聲裏送龍歸蒼蒼那顏好男子龍歸飛躍登九重奮門大賞復辟功文臣武功伯武臣忠國公嗚呼覓得魚嫌宗社福再造功成東市戮陰靈翳天鬼夜哭三字獄殺武穆二字獄殺忠肅

新建伯

抗封章謫龍場平宸濠武功揚撫南嶺三洞定征思田八寨靖

莫疑仙莫疑禪功成且入九華去綸巾野服何蕭然坐讀書起滅賊君王亦知學道人學道誰如新建伯

委鬼謠

唱茄花歌委鬼天下生祠奉闕寺世間怪事那有此文五虎武五彪兒孫十狗爭噪噪東林君子一網盡五人血射吳雲高君不見鉤黨興漢祚覆黨碑成宋運促桃花紅瑤草綠逆案翻明社屋

史閣部

山寺讀書一窮士誰其識者左忠毅揚州城破公死之誰其見者史德威乙酉王師破揚州或傳閣部突圍出城後以史德威日見而後信之見鮑琦外編小朝廷被羣奸誤四鎮蟲沙不相顧一手安能扶國步梅花嶺前拜公墓

松心詩錄卷一

九

嗚呼宋明之亡並南渡異代忠魂儻相遇前身文文山後身史閣部

將進酒

將進酒君勿辭金烏東玉兔西蛾眉轉瞬成雞皮妃呼稀兮君知之

俠客行

貴人赫赫權如山門前鷹犬十百一日不得閒一解高堂華屋大酒肥肉粉白黛綠哀絲豪竹貴人不足二解貴人不足鷹犬僕僕天陰鬼哭三解鬼哭聲啾啾怪樹啼鵓客從何方來下馬直上酒家樓四解寒風如刀雪如水酒家樓頭劍光起明日喧傳貴人死五解

漁翁引

江花紅江水綠手持一竿萬事足魚可烹酒可漉萬事不知睡方熟思古人兮心悠悠或釣璜兮或披裘一老不肯藏出爲帝師曰鷹揚一老頗近狂足加帝腹驚星芒我謂不如煙波老釣徒綠蓑青笠兮來往水鄉釣僅沽白酒樵青炊黃粱終吾身兮徜徉長與世兮相忘

松心詩錄卷一

南海門人李長榮編校
南豐門人趙惟濂校刊

松心詩錄卷二

番禺 張維屏 子樹

長亭 嘉慶丁卯

春水蕩朝霞春城處處花香吹不散飛入莫愁家小閣芙蓉障長亭玳瑁車傷離休望遠芳草遍天涯

滕王閣

高閣俯長川斜陽此泊船水天終古在詞賦幾人傳都督亦識者江風原偶然我來成獨立鄉思落霞邊

舟中望廬山作歌

我從廬山來衣裳尚有廬山之雲烟潯陽郭外波連天挂席卻登江上船上船開乍回首廬阜崢嶸出南斗九派茫茫不可

松心詩錄卷二

一

迴五老雲中似招手何時天河水飛下廬山頭白虹倒挂三百丈跳珠濺玉千載無時休紫霄峯上科斗字云是夏禹治水泊船之所留我思匡君兄弟七人結廬日據此山勝其樂真足輕王侯秦皇漢武求仙不到此卻從何處尋丹邱陶公苦乏濟勝具太白丹崖翠壑夙願終難酬香山草堂雖云樂青衫忽爲琵琶愁古人如水流青山向空立層嵐吹盡江天高捧出芙蓉千朵溼我行廬山陰遠望廬山陽香爐雙劍遞隱現金樓銀闕排空蒼或爲仙人或鬼物或爲獅象蹲伏又或驚起同鸞皇最高之峯有如老人中立色不動兒孫羅列拱揖奔走於其旁我從廬山來又別廬山去昨夢山靈邀我乘鐵船導我飲甘露笑我乃似彭蠡湖邊之飛雁大風起兮不能住三石梁九屏風列真

苑同安能窮但覺空際青濛濛他時興發遠相訪定踏赤鯨騎白龍雲中寄語五老峯爲我先鐫長句丹崖東

潛山客舍訪二喬故居弗得悵然題壁而去

周郎遺蹟歎凋零杯酒誰澆墓草青萬點落紅春又老東風何處秀英亭

江南

垂柳萬條烟烟條盡可憐佳入出纖手春色畫樓邊三月江南路東風客裏天無端惹起思飛絮共纏綿

秋日陳恭甫師招同王伯中宮庶引之程春廬兵部同文

陳石士編修川光吳蘭雪國博嵩梁查梅史孝廉集寓

齋小飲席上賦呈

松心詩錄卷二

二

吾師儒林宗遠接鄭孔武珥筆有餘閒盍簪集儔侶賤子居京華秋心墮烟渚昨者得鄉書小醜尙蟻聚亟望當事賢先剿而後撫樓船掃鯨鯢紀律肅貔虎下以安黎元上以報

聖主章公雅頌材凱歌協樂府桑梓憂未忘芻蕘策誰取空腸得酒鳴奇鬱快一吐

奉酬章谿先生見贈卽次元韻

海上成連去移情未可期但愁操縵拙敢謂賞音遲 公視學粵東後四十年而屏萬卷圍身處三更抱膝時蟲吟兼鳥語本意豈求知

子臨陽冰惠山聽松篆以贈南山篆後有云松石相望於

十步外不知幾何時合而相從此語若爲之緣者因賦此詩卽題南山詩卷內 人興翁方綱

松石本無意苦來成夙期竟憑真氣合不恨淡交遲萬谷笙
鐘起下壑雪時堪然驚鶴語卷外許誰知

都門秋思

天半清霜壓怒鵬嵯峨樓觀倚丹青白河鴈去傳秋信紫禁人
歸賦早朝夢裏蓬蒿蝸舍遠眼中塵土馬蹄驕思鄉懷古愁如
海轉覺名心似落潮

十二月十九日坡公生日翁覃谿先生招同法時帆宮庶
法式善 宋芷灣 洪介亭 顧南雅 三編修吳蘭雪

國博 集蘇齋拜笠屐畫像

四海知公雙鬢皤年年置酒壽東坡高齋東展烏雲帖出觀天
際烏雲
下里難酬白雪歌淘盡英雄江水急敲殘春夢寺鐘多鬚

松心詩錄卷二

眉笠展長如在玉宇瓊樓近若何

贈蘭雪國博

一卷香蘇冰雪詩藏園筆已讓君持金門索米功名薄酒市論
交邂逅奇花月歡場胸有淚江湖浪迹鬢成絲冷官莫笑腰難
折憶向梅花拜倒時蘭雪有滿身風
雪拜梅花之句

送南山孝廉出都卽次見贈原韻

東鄉 吳高梁 蘭雪

放晚文章刻意詩窮愁性命共支持千秋把臂交原篤一第
登天事亦奇少日才名憎似錦連宵別夢亂於絲凌雲氣在
終須吐莫忘青衫掩淚時

戊辰四月出都金藝圃駕部善我 漆東樵孝廉 潘伯臨
比部 正亭 劉三山孝廉 華東 有詩送行留別二首 錄一

鳳城楊柳故依依似向風前絆客衣春夢一場雲共散鄉心千
里鳥同飛醉中已覺車輪轉別後休教尺素稀觸熱長途非得
已高堂書到有當歸

同人汎舟山塘遂遊虎邱歸途遇韓夢香秀才

繁絃急管催青春蘭舟桂櫂邀美人美人勸我碧螺盞迴腸得
酒如車輪披衣登岸山風送生公去後幽禽啼石裂苔留虎氣
腥池荒水抱魚腸凍豪華事過轉蒼涼老佛無言塔影長真孃
歌舞吳王劍一樣徘徊問夕陽櫻桃香裏簫聲度故人訪我中
途遇商量痛飲何處宜要離塚畔梁鴻墓

曉望太湖

瑞雲倒瀉玻璃天白鷺飛破包山煙誰能直跨洞庭春喚起老

松心詩錄卷二

四

龍耕玉田濛濛三萬六千頃紅鏡徘徊素波冷翩然七十二芙
蓉齊整鵝鬟照嬌影我家遠在南海頭臨風洗眼銷騷愁靈威
丈人拍手笑笑我廢書成浪遊吁嗟乎人生當學鴟夷子報國
功成樂忘死五湖浩蕩一扁舟載得美人泛煙水不然大呼道
人攜笛來鐵虬一吼青冥開便騎赤鯉踢波去御風遊戲金銀
臺

泛舟西湖

天光碧若湖湖光清似天衣裳忽異色我坐萬綠邊既罷樹下
酌遂登湖上船船頭見我影酒醒涼娟娟柳深百蜩唱荷淨雙
鷺拳鵲枝撥水柔聲響隨風圓高峯吐白雲縷縷如輕綿卻瞻
黃妃塔界破南屏煙

湖中望孤山遇雨

雲容滄諸嶺雨氣瀾一湖迴風忽吹開窈窕孤山孤裏裏緬浦
仙老鶴如可呼日斜樓觀明水際金碧鋪峯頭飛雨來眾領交
笙竿灑然萬斛珠散入白玉壺開襟吸湖淥倦客筋骸蘇安得
招米顛潑墨爲作圖

謁文獻公祠二十四韻

嶺海人文闢開元相業隆安危一言繫風度幾人同學道伴伊
呂論功邁璟崇詞華冠儕輩謬耿孤忠鑑古千秋重山巍七
寶雄立朝誠侃侃憂國早忡忡仗馬鳴方禁冰山倚未終先幾
知石勒內難弭江充渤海猶須詔深宮遠伏戎胡雛羞襁褓吉
網酷羅罟獵子心原野楊花勢實江電裳按宮徵金鼓震嶠潼

松心詩錄卷二

五

目極荆州外魂驚蜀道中孤臣悲馬鬣萬乘歷蠶叢太息忠言
棄空傳祭典豐祠堂屹桑梓風雅振鴻濛後起嗟誰嗣先型溯
不窮笈囊徵故事羽扇緬深衷桂水鳴丹壑梅關盡碧空嶄巖
通鳥道開鑿重神功異代宗支遠前賢譜系通祥光芝翳絕遺
址石玲瓏皎皎天中月冥冥海上鴻高吟曲江句松檜起長風

清遠峽

入峽纔發船看山先洗目嶄巖斧痕澗窈窕螺黛感奔如注坡
馬跡蒼摩空鶴雖輪三峽壯不減九溪曲嶺外少冰霜嚴冬秀
翠木草根攢深青石骨裏寒綠寺高遊客稀古飛來寺徑古老
樵熟我來隔三載風景異寒燠帝子去已遠佳人渺難矚山靈
如有情一路送琴筑

舟夜聞雨

萬馬走江聲孤篷欲二更澆腸無濁酒照影有寒檠少壯功名
念鄉閭骨肉情一般似春草都向雨中生
過雒陽廟舟中讀昌黎張中丞傳後序有作
古廟忠魂照水濱寒鴉枯木欲回春江淮保障憑孤掌郭李勲
名屬後塵揮涕三軍心激烈填胸萬卷血嶙峋韓公健筆真如
鐵寫出鬚髯七尺身

嚴陵釣臺有序

子陵先生高風峻節輝山曜天太白昭昭之歌文正蒼
蒼之歎前賢尙論實獲我心後人持議輒喜新闢或譏
不仕或疑披裘子竊以爲過焉山迎水送扁舟再來緬

松心詩錄卷二

六

然興懷率爾成詠非謂增未壞於高山聊欲激頽波於
重淵云爾

桐江江水流滔滔釣臺壁立江天高灑然清氣被六合後人買
菜徒曉曉文叔從來稱大度娶妻早有姬姜慕當時物色君念
臣他日板房新間故先生蕭然垂一竿身世俯仰雲水寬釣璜
豈慕周尙父遯野足配商甘盤畫眉聲急江風起坐擁羊裘山
色裏不從吳市學神仙肯向雲臺博青紫故人狂態左右睨太
史入奏非無因若云一卧犯帝座後宮玉體多橫陳紛紛鄙夫
戀榮祿炙手權門頸先縮多少男兒七尺身不及先生一雙足
千秋帝友非偶然一代氣節能開先君不見將星熊或墮地
客星終古寒芒懸

錢塘懷古

之折江流帶具區湖通龍窟有歸墟如何東下錢塘水不入南
條禹貢書柳岸冰清春欲動葑田泥積澤防淤憑誰健筆追枚
叔一賦秋濤鬱抱舒

妖鳥羅平自絕蹤鳳山王氣已潛鍾時來木石皆衣錦運盛江
潮亦避鋒陌上花招新蜨蜂峯頭雲立古芙蓉虎符龍節知何
處一杆飛來水寺鐘

表忠片石尚嵯峨天水偏安奈若何江上龍飛新殿宇夢中人
索舊山河三千鐵弩精靈避十二金牌涕淚多成敗茫茫誰料
得海門南望有驚波

泥馬歸來脫楚囚西泠山水足忘憂寒驢背上英雄老蟋蟀聲

松心詩錄卷二

七

中勅勒秋鍋可銷金輕社稷券會鑄鐵賜諸侯通仙一去梅花
冷看到冬青鶴亦愁

湖上四首

偶來湖上宿佛燈伴清絕宿淨慈寺曉聞南屏鐘復與老僧別回頭
何所有但見林表雪

峯從何處來飛入招提境小憩冷泉亭泉聲隔煙靜石氣生暮
寒微風動山影

入寺尋磬光修徑繞而曲幽禽時一鳴上有萬竿竹空山闕古
春諸天在寒綠

昨日遊雨湖幽興殊未歇今晨雨復止晴湖覽空濶還留未了
絲相約泛秋月

姑蘇懷古

姑蘇臺畔草芊芊過客山塘又泊船虎氣一丘橫夕照魚腸千
劍化寒烟人傳角里為商皓我道鴟夷是水仙聞訊滄浪亭在
否清風明月不論錢

短簿祠邊立晚風三高雲外望晴虹朱欄樓閣參差出綠水溪
橋宛轉通穿塚死當親烈士吹簫窮易困英雄五人墓上誰澆
酒花片飛來似血紅

千莫雙棲劇苦辛鑄成神物動星辰試思斷髮投爐日何似齊
眉舉案人傾國探香真採恨荒墳埋玉不理因瀟瀟暮雨哭嫖
曲旅客聽來倍愴神

破楚門空霸業消春山猶作翠眉嬌生公法滅留頑石伍相魂

松心詩錄卷二

八

飛徙怒潮歌扇舞衫千日酒風廊水榭百枝蕭扁舟載得吳宮
月直到揚州廿四橋

辛未下第出都留別汪益齋庶常

銘謙

紫陌春遲未見花轉蓬身又出京華此行一事君輸我瓜果筵
開可到家

黃河

客來口燕將渡河未渡適觀河上翁翁言家住黃河側談河口
與懸河同源高開自星宿出氣盛欲與江湖通天使太行折而
北龍門底柱當其衝有如銜勒控驕馬又若節制縻英雄大哉
禹力疏作九柞殺厥勢分其鋒齊桓時已非故道八支亡失迷
所從可知泥多易淤激水流泥在河身崇賈讓賈魯策稱善今

松心詩錄卷三

番禺 張維屏 子樹

太平酒樓歌

并序

羊城西南有月城其門曰太平門內數武有樓翼然高及女牆之肩樓窗洞開萬戶一覽清風肅客白雲布筵雖釀花非餘杭之仙當壚少卓氏之女然而老羗方渴翹生為緣飲多鄭公之壺眠有吏部之甕莫不青蚨雨集綠蟻川流飛大戶之觥籌話中年之哀樂杜陵有債尙可典衣賀監乘船不愁落井整持手熟鯨吸腸寬顏酡伴葩歌響裂竹嗟乎君子有酒能消萬古之愁仙人好樓何妨一石亦醉既醉有詩書代酒券見者曰書生

松心詩錄卷三

耶酒徒耶頑仙耶酒保曰嘻吾烏乎知之

交衢突兀糟邱臺樓窗三面玲瓏開尋常有酒且一醉何況相逢舊雨傾新醅遇劉二山周秀圃卅年歲月堂堂去手挽羲娥不會住小時明月鏡團圓照我朱顏已非故女牆嚙嶠臨西城太平臘鼓婆娑鳴千人萬人樓下行是時雨霽天空青青天蕩蕩雲亭亭雲來雲來勸爾一杯酒問爾天上何所營胡不千巖萬壑藏爾形胡為東西南北朝朝暮暮也似勞人行不停白雲不暇與我飲遠送落日金盆傾紫霞忽起橫庚庚飄飄衣帶當風輕樓頭吟嘯不自覺散作半空鸞鶴聲吁嗟乎北邱巖巖多宿草山陽笛又傷懷抱年來故交多化為異物空裏優曇一刹那海底珊瑚幾枯槁苒苒難令駿骨肥月砂不救蛾眉老西子終輸嫫母貴東方

昔異勢難為功河性悍急屢變易自古由北趨於東七百年來轉南徙黃淮濟運功何窮治河言殊孰可法河防一覽推潘公前明潘季馴著築隄束水使水合水力猛將沙攻新沙不停舊沙刷水得就下無橫澗我朝靳輔屢奏績用陳潢潢字天一其聽應籌河十疏次第上大意惟潘是宗方今聖皇御六合百神効職皆寅恭河流順軌河伯靖宵旰尚復勞災夷水衡屢發不惜費隄防埽埽時鳩工安瀾奚用問沈馬中澤不復嗟啓鴻浮槎上可達銀漢客倘有意追前蹤客問欲答翁別去河干滾滾塵隨風

淮陰釣臺

松心詩錄卷二

九

弓藏鳥盡不堪論雲夢歸來伏禍根一命終懸蕭相手三分會拒蒯生言功臣權重原非福國士途窮易感恩千載釣臺臺下水至今嗚咽為王孫

番禺門人沈世良編校
南豐門人趙惟濂校刊

且讓伴儒飽蠅蠅蛤亦自豪雞蟲觸何時了佞佛誰能淨
六根學道先須除九惱明朝有約過安期試問何人得瓜瓞

九月廿一夜墨卿太守枉過談至二鼓

仙城夜靜局魚鑰秋氣蕭森動寒蕖徹廬時有素心人步屨叩
門來不約路人猶識舊使君坐客黃香石同年木越亭上含願聞新著作簞
屨重披嶺嶠雲敦槃尚憶揚州郭郵筒曾寄尺素書邀賦梅花
款東閣水部風流公克嗣仲蔚蓬蒿我如昨未能沈默類木雞
詎敢昂藏慕軒鶴久別相逢看鬢髮佳節登高健腰脚開公近
嗜先賢書灑掃靈臺事濂洛才華收斂返篤實此意洵足藥浮
薄千紅萬紫雖悅目不樹五穀何以獲世途自昔歎險巇道味
由來耐咀嚼素交但最崇令德不朽何嘗藉高爵柴門相送霜

松心詩錄卷三

月斜兀坐空堂數宵柝

贈南山孝廉仰題松石讀書圖用昌黎山石韻

汀州 伊秉綬 墨卿

倚松奇石晨光微老蛟鬱律秋雲飛科頭把卷者誰了吟詩
不瘦味道肥西銘有砭吾黨重南園以降斯人稀斑斕威鳳
勒遠覽婉孌季女愁朝饑九年突來千里客便借月色開柴
扉素心適逢銀燭翦清言都比玉屑霏載等松石了無見但
有萬卷將身圍乃知曠懷特高寄萊綵昨浣京塵衣吾生愈
深金石癖於世慙脫名利轡松貞石介良可法試問遠客何
如歸

賓谷先生見梅花有詩見懷次韻奉答

昨夢與孤鶴入山等白雲曉來見南雪春信報東君茅屋澹相
賞妙香空裏閒題襟襟上月容易感離羣

見梅花簡南山孝廉

南會 煥 賓谷

浮出溪邊月自雲山吹來嶺上雲山深宜處士花發爲夫君
醉向雪中臥香從人外聞此時蒲澗寺惟與鶴爲羣

上元後三日劉樸石編修彬華招同謝澧浦庶常蘭生呂

子羽上舍邦漆龍淵廣高西山士釗兩孝廉葉雲谷農部

夢龍 載酒花埭飲於翠林園席上醉歌

珠江碧水搖菰蒲花光倒影浮珊瑚一船移泊眾香國花氣醉
客如醞醑主人種花識花意萬花深處留餘地小橋一道背嬌
紅高閣三間面疎翠迴廊曲榭臨方塘酒人列坐花中央千紅

松心詩錄卷三

三

萬紫在堂下堂上侍酒惟花王世呼手持一杯與花語春光澹

宕無風雨客來酒滿花是賓客去園空花作主羣芳且莫驕青

春多少拾翠停桡人欄畔驚鴻波底影風前飛燕堂中身酒後

看花三里霧惜花客欲陪花住張顛沉醉問劉郎欲訪天台向

何處我不願封萬戶侯亦不願識韓荊州但願春醪多似水年

年花發客同遊

九日粵秀山登高同集者顧劍峯胡香海周伯恬李福伯

夜聞花塔風鈴語明日天當不風雨曉來萬里無纖雲倒挽澄

江洗天宇我峩峩南城公有似古歐陽山水之間得真樂春秋佳

日可以對客傾壺觴我時抱病伏閭里公來招我翠微裏坐我

越岡之側楚庭之嶺吹我以五仙觀上之靈風滌我以鮑姑井

中之甘泉酌我以鵝黃鴨綠之美酒示我以瑤繩金檢之奇篇
使我沉憂得釋煩痼得蠲左把稚川袖右拍安期肩飛觥脫帽
銀海眩斗覺南溟雲氣浮樽前五羊城中十萬戶下視漠漠蒼
蒼然有人山下一矯首望見酒龍詩虎皆神仙不知今日海內
名山百千億幾人高會羅羣賢朝臺安在哉歌舞亦消歇王宏
頗解事長房莫饒舌茱萸之囊繫臂求長生何似菊花之酒長
不竭百壺欲盡醉兀兀風馬雲車去飄忽山頭客散山不孤一
片飛來漢時月

喜康侯至約遊白雲並簡月亭香石蒼厓叔秋熾庭諸君
望書眼欲穿誦詩鼻屢嚏衡門百剝啄不意君一至才人有道
根溫柔變剛銳草心猛斯拔葵足堅自衛空欲坐四大寂若持

松心詩錄卷三

四

半偈養符木雞德健蓄冥鴻雋乃於六月息忽類九月還紆軫
停霄雲揚舫犯江颺乍維子猷舟爭挹浮邱袂賤子遭艱虞比
歲益化僚舊雨千里來一笑破雪涕披胸理積緒眎目出奇製
風霆戰蒼檜月露洗紅桂虎騰始哮怒龍縮轉適細君誠詩中
豪二豎敢牽掣昨者爲我言精力恐難繼盛年見衰態有若晝
方壇聞君自鍼砭覺我多翫惕開卷古人在閉戶白日逝苦心
春蠶絲虛名夏蜩蛻嗟余憂未蠲願君志毋替驂雲控虬螭耕
煙樹蘭蕙于野有同人香石綴秋新奮起闢樞轡頓令巖壑新
不受荆棘蔽層樓枕山腰一亭立雲際幽尋泉自導險語石可
礪君來非偶然山靈似含睇飄飄安期生雲車載容裔翩翩九
泉禽月臺送清唳茸茸九節蒲采采辟疵癘招招宜盡去

勿留滯凌晨躡飛霞一覽江天霽

答劉孟塗秀才兼寄姚石甫進士

仰屋虞卿拙談兵杜牧狂無言看短劍有淚夢高堂跌宕詩千
首艱難粟一囊煙中片帆舉海色忽青蒼

去歲城西酒歡筵是別筵美人千里外春思百花前瓊珮天風
遠容華海日鮮豈宜修竹畔空谷老嫗娟

贈南山孝廉

桐城劉開

展我碧霞箋書君白雪篇孤花豔春色空翠點晴煙此筆自
今古有人來海天相逢無限意留記暮雲邊

痛飲不知醉新交翻易愁行藏看一別邂逅足千秋立志在
霄漢高文齊斗牛遲迴江上路卻是爲君留

松心詩錄卷三

五

贈南山孝廉

桐城姚瑩

煙水蒼茫趙尉城春風啼鳥正嚶嚶求人我信同饒渴相士
君堪託死生交到漢秦方論氣詩如李杜未忘名他時短榻
青燈裏乞與飽樽仔細評

曹銘先生有詩見懷次韻奉報

萬頃茫然問去津探源星宿渺難論水當入海千條合詩可呈
天一字真便到古賢須有我獨開生面肯依人卓錫立巖貧非
病但乞奇方療腹貧

墨卿書來云先生春來日與蓮裳南山論詩可羨也是日
適得南山手書而蓮裳將歸矣賦此卻寄 翁方綱

千里金張叩笈津手山南山皆有杜之一源蘇杜孰推論杜惟